

ვაიზოლი XVI საუკუნის საქართველოს ისტორიიდან

(ნა'იშვას ერთი ცნობის განმარტება)

ოსმალთა ისტორიკოსთა შორის უთუოდ საპატიო ადგილი უჭირავს მუსტაფა ნა'იშვას (1655—1716), რომლის ექვსტომიანი საისტორიო თხზულება — „თარახ“-ი მნიშვნელოვანი წყაროა თურქეთისა და მომთხროვე ქვეყნების ისტორიის შესასწავლად.

სხვადასხვა სახელმწიფო დაწესებულებაში მუშაობის დროს მ. ნა'იშვამ თავი გამოიჩინა როგორც ნიჭიერმა და დაკვირვების უნარით აღჭურვილმა პირმა, რისთვისაც ის დანიშნულ იქნა სულთნის სასახლეში ოფიციალურ ისტორიკოსად. მისი „თარახი“, რომელიც 1591-1659 წლების ამბებს შეიცავს, რევოლუციამდე გამოცემული იყო ოთხჯერ¹. სამწუხაროდ უნდა აღინიშნოს, რომ არც ერთი ამ გამოცემათაგანი მეცნიერული თვალსაზრისით ოდნავად დამაკმაყოფილებელი არ არის. მიუხედავად იმისა, რომ ნა'იშვას „თარახის“ ხელნაწერი ნუსხა ბევრია და მათ შორის სტამბოლში — თოფკაჯის სასახლის ხელნაწერთსაცავში ინახება ავტოგრაფიც, არც ერთ ამ გამოცემას კრიტიკული აპარატი დართული არა აქვს და აჭრელებულია შეცდომებით. ნა'იშვას მოეპოვება ცნობები, ზოგჯერ მნიშვნელოვანიც, საქართველოს შესახებ. ჩვენი წერილის მიზანია განმარტოს გამოცემული „თარახის“ ერთი ადგილი, რომელიც შეეხება ქართლის მეფის სიმონის სტამბოლში წაყვანას.

1929 წელს სტამბოლის უნივერსიტეტის წიგნსაცავში თურქულ ხელნაწერებზე მუშაობისას გადმოვიწერეთ ნა'იშვას „თარახის“ ამ წიგნთსაცავში დაცული ნუსხიდან², სხვათა შორის, სიმონ მეფის მიერ გორის ციხის აღების ამბავი. შემდეგში მე შემთხვევა მქონდა ამ ხელნაწერიდან ამოღებული ცნობა შემეწამებინა დაბეჭდილი „თარახის“ I ტომის სათანადო ადგილთან. ხელთ მქონდა, სახელდობრ, *تاریخ*-ის III გამოცემა (ჩემი ცალი, გვ. 222 და 241) და 1864 წლის IV გამოცემა (სტალინის სახელობის თბილისის სახელმწიფო უნივერსიტეტის სამეცნიერო ბიბლიოთეკის ეგზემპლარი, გვ. 251). გიირკვა, რომ ორთავე გამოცემაში შერყენილია გაგებული და დაბეჭდილი, სხვათა შორის, ერთი სიტყვა, რომლითაც აზრი მახინჯდება. ამ გამოცემათა ზემოთ ნაჩვენებ გვერდებზე თავდება ჰიჯრის 1009 წლის ამბები, რომელთა ბოლოში ნა'იშვამ განსაკუთრებით შენიშნავს, რომ ქართლის მეფის სიმონის სტამბოლში „სამსახურებრივი დავალებით“, თურქულად *مراسم* ჩამოსულა

¹ საერთოდ მ. ნა'იშვას ცხოვრებისა და მოღვაწეობის შესახებ ზღუდა დაწერალებით: *Encyklopaedie des Islam*, III, გვ. 906; Fr. Babinger. *Die Geschichtsschreiber der Osmanen und ihre Werke*, ლეიპციგი. 1927 წ., გვ. 245; აგრეთვე რამდენიმედ ჩვენი: „ცნობა დიდი მოურავის უკანასკნელი დღეების შესახებ ოსმალეთში“, „ენიშვის მოამბე“, XIII, თბილისი, 1942, № 207-208.

² ხელნაწერი № 2323/59, გვ. 66v და 72r.

⁵ ხელნაწერ ნუსხაში წერია ამ სიტყვის ნაცვლად خواب, რაკ 'ძილს' ნიშნავს; კონტრასტის მიხედვით, რა თქმა უნდა, خوار უნდა იყოს ასევე დაბეჭდილ გამოცემაში (გვ. 222).

باري به شكر لر كه سبكار اولدم
جواب حكيم جابي
بر قلممني المظه سن¹ كورينك
كور سمدى بدى قلمده دزدار اولدك

وقايه سنه تسع و الف

سنه ماضيه تحرير اولنان حاكم كورجستان سيمونك ماسورا دردوئه
كلوب بدى قلمده حبس اولنديفنى فدلكهده بو سنه وقايندن اولمق اوزره تحرير
ابلهشدر

თარგმანი: ათას ოცე წლის² ამგებში

გვ. 66v. ვანის ბეგლარბეგის ჯა'ფარ ფაშის მიერ ქართველთა წმართველის
სიმონის დატყვევება

საქართველოს მმართველნი საჩვენებლად ფირმანის³ წორჩილნი არიან, ფარულად კი აჯანყებაზე უკირავთ თვალნი. მათ შორის დაუნდობელი სიმონი უსაზღვრო ვერაგობით ანაზღუდულად თავს დაესხა გორის ციხეს და საფუძვლიანად დაიანგრიო იგი. თავრიზისა და ვანის ბეგლარბეგმა გულადმა ერზირმა ჯა'ფარ ფაშამ⁴ ლეთის შემწეობით [სიმონი] დაატყვევა. გარდა ამისა, საქართველოს ბეგთაგან ალექსანდრე ხანს⁵ თავი მოკვეთა, მისი შვილები დაიჭირა და ზემოხსენებულ სიმონთან ერთად იმავე წლის რებრ'-ულ-ფევვლ-[ის თვე]-ში⁶ ხონტქრის სასახლეში წარგზავნა. [სიმონი] მოთავსებულ იქნა მედი-

¹ სიტყვა დასაბუთებულ ხელნაწერში არ არის, დაბეჭდილობიდან გადმოვიღე.

² ჰოჯრის 1008 წელი ჩვენი წელთაღრიცხვით 1599 წლის 24. VII-ს იწყება და 1600 წლის 12. VII-ს თავდება.

³ ფირმანი ხონტქრის ბრძანებათა და გადაწყვეტილებათა შემცველი წერილობითი საბუთია.

⁴ ეს უნდა იყოს ის ჯა'ფარ ფაშა, რომელზედაც Sicil-i ismaili-ში შემდეგი ცნობაა მოცემული: ჯა'ფარ ფაშა ირანის მოსახლურე ეილანეთების კარგ მცოდნედ ითვლებოდა. 985 (= 1580-1581) წელს ფეოდალის ბეგისა, ხოლო 991 (= 1583) წელს შარჟანის ეილის ძანამდებობა მიიღო. აქედან თავრიზის ბეგლარბეგად იქნა გადაყვანილი და შემდეგში უზნირი გახდა. მოლდავეთის საბეგოს ეილანეთად რეორგანიზების შემდეგ იგი მოლდავეთის ეილის თანახმდებობაზე დაინიშნა. შემდეგ კვლავ თავრიზის ეილია. გარდაიცვალა 1005 (= 1600-1601) წელს (იხ. შაჰირ-ენაჰიე — سجل عثمانی یا هواد تذکره مشایر عثمانیه, 1311 (= 1893-1894) წ., ტ. II გვ. 71). მართალია, აქ ჯა'ფარ ფაშის ვანის ბეგლარბეგობა არ იხსენიება, მაგრამ, ვფიქრობ, „სიუილის“ ავტორს ეს გარემოება მხედველობიდან გამოარჩა. ეს მით უფროა საფიქრებელი, რომ ჩვენს ტექსტში ის მეორეჯერ მარტო ვანის ბეგლარბეგად კი არა, „თავრიზისა და ვანის ბეგლარბეგადა“ მოხსენიებული.

⁵ იგულისხმება სიმონ მეფის ძმა ალექსანდრე.

⁶ 1008 წლის რებრ'-ულ-ფევვლის თვე ზოდის 1599 წლის 21. IX-დან 20. X-მდე. ქართული წყაროების მიხედვითაც სიმონმა გორის ციხე 1599 წელს აიღო (იხ. ვრისთავიანთ „დაფუძომბელი“, 19 და ქრზი, II, 431. ვიზოშებ ივ. ჯავახიშვილის მიხედვით: ქართველი ერის ის-

კულე¹-ს ციხეში, შემდეგში მან ისლამი მიიღო. გარდიიცვალი სულთან აჰმედის—მასზე იყოს ცხოვრება—დროს². მედიკულეში პატიმრობისას ხსენებული სიმონის მიერ თქმული რუბა³:

გამანადგურა ბედმა, რომელსაც ვემდური;
ამრისთვის დამცილება განვიცადე ხალხის თვალში.
თუმცა [საქმე] წამივიდა ძლიერ ცუდად (შდიმედ)⁴,
მადლობა გამჩენს, [რომ ახლა მდგომარეობა] შემიმსუბუქდა.

ჰექიმ ჩელების⁵ პასუხი:

ერთი გორის ციხის აღებისათვის შენ,
ახლა, უყურე, მეციხოვნე გახდი მედიკულეში.

ტორია, IV, 280-281) და სტამბოლშიც ამავე წლის IX-X-ში უნდა იყოს გამგზავრებული თუ ეს ასეა, ქნათ ჩელების ეს აბაჯი რომ 1009 (=1600) წლის კვეშ აქვს აღწერილი, სწორი არ უნდა იყოს.

¹ მედი-ეფლე (ქართულად, ზოგჯერ, იედიყულა)—თურკ. yedi (მედი) 'შვიდი' და არაბ.-თურკ. 42 (კულე) 'კოშკი' (= 'შვიდკოშკი', 'შვიდ კოშკა') ვინაიდან სიმონ ქართლის მეფე, რომლის მეთაურობით ქართველი ხალხი 42 წელიწადს ღირსეულად იცავდა დამოუკიდებლობასა და ეროვნული თავისუფლების დროშას ირანისა თუ ოსმალეთის მოძალადეებისაგან⁶ (ნ. ბერძენიშვილი), ამ ციხეში დაამთავრა თავისი უკანასკნელი წლები, საჭიროდ მიმაჩნია ამ ციხის შესახებ მოვითანო აქ ზოგიერთი ცნობა.

ბიზანტიის დროიდან ქ. სტამბოლს შემოეღებული ჰქონდა მაღალი ციხე-გალავანი, რომლის ნაშთები ახლაც არის და რომელზედაც ადგილ-ადგილ გაშენებული იყო გამაგრებული კოშკები მარშარილოს ზღვის მხარეზე სტამბოლის გაშავრებულ ადგილთან XI-XII საუკუნეებში გაშენებულ იქნა 5 კოშკი, რომელიც მაშინ Pentapylon-ად ('ხუთი კოშკი') იყო ცნობილი. Hıyar anıkiopedis-ს მიხედვით, სტამბოლის აღების შემდეგ სულთან ბექმედ II-ის დროს აქვე გაშენებულ იქნა კიდევ ორი კოშკი და ამიერადან მას (და სტამბოლის ამ რაიონს) მედიკულე-იედიყულა ('შვიდი კოშკი') დაერქვა.

ოსმალთა ხელში იედიყულა ომიანობის დროს სათანადო მოწინააღმდეგე სახელმწიფოთა ელჩების სასწრაფოდ გადაიქცა. სიკვდილით დასჯილი ეზირები და მაღალი თანამდებობის პირებიც აქ მოყვებოდნენ ღოღამს. სიკვდილით დასჯის ადგილი იმპერატორ თეოდოსიუს მიერ გაშენებული ძალის მარცხენა მხარეზე მდებარე მარშარილოს კოშკი იყო. სიკვდილმისჯილებს ზაგდუდინ ხოლან ბნელ დილეგში. დასჯილთა თავებს ყრიდნენ ქვისსახურავიან ტაში, რომელსაც სისხლის ტას (kan kusuşu) ეძახდნენ.

როდესაც 1768 წ. რუსეთ-თურქეთის პირველი ომი გამოცხადდა, დიდმა ეზირმა ჰამზა ფაშამ რუსეთის ელჩი ობრუხლოვი და მისი 9 თანამშრომელი დააპყვედრია არა კოშკში ჩვეულებრივად, აოამედ დილეგში, სადაც ელჩი მძიმე ავად გახდა. დილეგიდან ელჩი მხოლოდ დიპლომატიური კორპუსის ჩარევით შედეგად გამოიყვანეს. 1806 წ. რუსეთ-თურქეთის ომის დროს რუსეთის ელჩი იდეფუჯაში ოგზანგზოდო, მაგრამ სოთქოის სასახლესთან ძლიერ დაახლოებული საფრანგეთის ელჩის სებასტიანის ზეამდომლობით ელჩს რუსეთში წასვლის ნება დართეს. ამის შემდეგ ელჩები საერთოდ იედიყულაში არ დაუშვებდნენ.

იედიყულაში იყო აგრეთვე დამწყვედელი და შემდეგ 1622 წ. სიკვდილით დასჯილი სულთანი ოსმან II (იხ. Hıyar anıkiopedis, სტამბოლი, 1936 წ., ტ. X, გვ. 4513-4515).

² აქმედ I, რომელიც 1603-1617 წლებში სულთანობდა. სიმონ მეფეზე საერთოდ იხ. ნ. ბერძენიშვილი, ივ. ჯავახიშვილი, ს. ჯანაშია. საქართველოს ისტორია, I, თბილისი, 1946 წ., გვ. 320-323; ივ. ჯავახიშვილი. ქართული ერის ისტორია, IV, თბილისი, 1948, გვ. 261-281. და სხვ.

³ დედანში ნათქვამია: თუმცა საქმე წამივიდა „ცხენისა და აქლების ტვირთის სიმძიმით“.

⁴ შესაძლებელია ეს იყოს ის ჰექიმ ჩელები — حكيم چلبی, რომელზედაც Sicil-i 'asna-ში (ტ. II, გვ. 237) წერია, რომ ის „უბჭერელია, ბექმედ ფაშის მასწავლებელი და სულთან მურად III-ის (1574-1595) თანამედროვე“.

ათას ცხრა წლის ამბავი¹

გვ. 72r გასულ წელს აღწერილი საქართველოს მმართველის სიმონის სტამბოლს დატყვევებულად ჩამოსვლისა და მისი გედიყულეში მოთავსების ამბავი „ფეხლექე“-ში ამა წლის [ე. ი. ათას ცხრა წლის] ამბად არის მოტანილი.

უფიქრობთ, სიმონ მეფის, ალექსანდრე ხანისა და სხვათა შესახებ ნა'ჩვენს „თარხში“ წარმოდგენილი ცნობები საინტერესოა. საქართველოს ისტორიაზე მომუშავე სპეკილისტი, ცხადია, უკეთ შეათვალს ნა'ჩვენს ამ ცნობებს და უკეთ გაარკვევს მათ მიმართებას ქართული და არაქართული წყაროების მონაცემებთან. ოღონდ, ნა'ჩვენს ამ ამბებთან დაკავშირებით საჭიროდ მივიჩნიეთ ერთი ქართული ცნობის განმარტება იმავე სიმონ მეფის შესახებ.

აკად. ივ. ჯავახიშვილის მიერ „ქრონიკების“ II წიგნიდან (გვ. 431) სიმონ მეფის შესახებ მოტანილია შექდეგი ცნობა: „ქკსა: სპზ: მეფემან სვიმონ ცხრა თვეს გორის ციხეს იბრძოლა, იილო, მას შინა მყოფნი ურუშნი შეიბნეს აწეთის, ილგეთის პირს და ცხენი წაუქციეს ბრძოლათა შინა მეთესა თულაშვილმა. დაიჭირეს თათართ მეფე სვიმონ და სტამბოლს ხონტქართან გაგზავნეს, იედიყულაში დაატყვევეს. სამი წელიწადი იქ იყო, გამოიყვანეს და ათ (sic) მეიდანზე თავი გაგდებინეს“.

მოტანილ ამონაწერში ექვს იწვევს შესიტყვება „ათმეიდანნი“. საქმე ისაა, რომ at (ათ) თურქულად 'ცხენი'ა, ხოლო meydan სპარს.-თურქ. 'მოედანი'. თურქული იზათეთური შესიტყვება at meydan-i atmeydan 'ცხენი მოედანი მისი' ნიშნავს 'შარულასათვის სპეკიალურად მოწყობილ მოედანს'. თურქებმა თარგმნეს ეს atmeydan (ათმეიდანნი) უწოდეს ბიზანტიელების იმ ცნობილ იპოდრომს (hippodromos), რომელიც ქ. სტამბოლის ძველ ნაწილში აია-სოფიის ტაძრის გვერდით—ახლანდელი სულთან აჰმედის ჯამე'-სა და მისივე სახელობის პარკის ადგილას იყო.

მეორე, რამდენად შეესაბამება სიმართლეს ქართული წყაროდან აქ მოტანილი ცნობა, რომ სიმონ მეფე „სამ წელიწადი იქ [სტამბოლში] იყო, გამოიყვანეს და ათმეიდანზე თავი გააგდებინეს“? თურქი ისტორიკოსების მხედვეთ სიმონი ოსმალეთში სიკვდილით არ დაუსჯიათ, იგი ბუნებრივი სიკვდილით მოკვდა. ნა'ჩვენს—ოფიციალური ისტორიკოსი, რომელსაც განსაკუთრებით უნდა მოეზიადოს მოვლენათა ზუსტი ფიქსაცია, წერს, რომ სიმონ მეფე გარდაიცვალა სულთან აჰმედის დროს (1603–1617). ავსტრიელი ისტორიკოსი J. v. Hammer-ი, რომელიც შესანიშნავად იყო დაუფლებული თურქულ წყაროება, იღნიშნავს, რომ ჯა'ფარ ფაშამ სტამბოლს წარგზავნა სიმონი და ალექსანდრეს შეილა, რომლებმაც იქ იედიყულეს ციხეში დაამთავრეს თავიანთი სიცოცხლეო².

გარდა ამისა, უნდა ითქვას, რომ სიმონი სტამბოლში პატივისცემითა და ერთგვარი ავტორიტეტით სარგებლობს, როგორც განათლებული და გამობრ-

¹ ქაჯიას 1007 წ. ხუდუბა ჩვენ წელთაღრიცხვით 1600 წლის 13.VII-დან 1601 წლის 1.VII-მდე.

² ივ. ჯავახიშვილი ი. ქართველი ერის ისტორია, IV, თბილისი, 1948 წ., გვ. 283-281. იაზი ჩვენია.

³ J. v. Hammer. Geschichte des Osmanischen Reiches. Pesth. 1834, II, გვ. 639.

ძმედლი პოლიტიკური მოღვაწე. ჩვენ დაეინახეთ, რომ სიმონის გამოთქმულ რუბა'ნზე ჰექიმ ჩელები ანგარიშს უწევს მას და ლექსითვე გასცემს პასუხს. ეს ჰექიმ ჩელები კი, როგორც „ჩელები“ სიტყვა მიუთითებს, მაღალი თანამდებობისა და ავტორიტეტისა და განათლებული კაცი უნდა ყოფილიყო (შდრ. ევლიან ჩელები, ქათიბ ჩელები = ჰაჯი საღრაფა). სიმონ მეფე 9 წელიწადს იყო სპარსეთში, სადაც ის დაეუფლებოდა სპარსულს და, როგორც ჩანს, რუბა'ნების შეთხზვაშიც კი დახელოვნებულია. საყურადღებო გარემოებაა ისიც, რომ სტამბოლში ჩასვლიდან რამდენიმე წლის შემდეგ სიმონი შუაშავლის როლს ასრულებს ირანსა და ოსმალეთს შორის დაწყებულ დიპლომატიურ მოლაპარაკებაში¹. ეს უკვე მეტად საპატიო დავალებაა და სიმონის მხრივ სავსებით შესაძლებელი იმიტომაც, რომ „ოსმალები ირანს ზავს სთავაზობენ“² და ამ დროს მათთვის (ოსმალთათვის) საჭიროა სიმონისთანა გამოცდილი სახელმწიფო მოღვაწე. რომელიც ირანში თავის დროზე პარტივისცემით იყო მიღებული³ და რომელსაც ირანულ-პოლიტიკურ წრეებში გარკვეული წონა ჰქონდა. ამიტომ, ვგონებ, უსაფუძვლო იქნება ვიფიქროთ, რომ ოსმალებს სიმონი სიკვდილით დასაჯეს. ეს რომ ასე ყოფილიყო. თურქ ისტორიკოსებს, კერძოდ იმავე ნა'იმს, რომელიც სტამბოლში ცხოვრობდა, ეს არ გამოეპარებოდა და ჩაწერდა ამას თავის „ისტორიაში“ ისეთივე პირდაპირობითა და დეტალებით, როგორც ეს დიდი მოურავის სიკვდილით დასჯის შესახებ აქვს მოთხრობილი.

ზემოთ მოტანილ ქართულ ცნობას რამდენიმედ ქრონოლოგიური ხასიათის დაბრკოლებაც ხვდება. ამ ცნობის მიხედვით სიმონმა სტამბოლში მხოლოდ სამი წელიწადი იცოცხლა. ნა'იმს⁴ და ქართული წყაროების⁵ მიხედვით სიმონი სტამბოლში წაიყვანეს 1599 წელს (ნა'იმს აღნიშნული აქვს სექტემბერ-ოქტომბერი). ამ ანგარიშით, მაშასადამე, 1602 წელს სიმონი უკვე გარდაცვლიებული უნდა იყოს. ეს კი არ არის სწორი, რადგანაც ნა'იმს დაბეჯითებით ამბობს, რომ სიმონი სულთან აჰმედის დროს, ე. ი 1603—1617 წლებში, გარდაიცვალა.

გარდა ამისა, როგორც ზემოთ უკვე აღინიშნა, სიმონ მეფე შუაშავალია ოსმალ-ირანის საზავო მოლაპარაკებაში, რომელიც XVII საუკუნის პირველ ათეულ წელს მიმდინარეობდა და 1612 წელს დასრულდა.

¹ გ. გაბაშვილი. „სათათრო გამოსაღებელი“ გვიანფეოდალურ საქართველოში, „ნ. მ. მამბილაძე“, III, თბილისი, 1953, გვ. 153.

² გ. გაბაშვილი, იქვე.

³ ივ. ჯავახიშვილი. ქართული ერის ისტორია, IV, 1948 წ., გვ. 265.

⁴ იმ. ზემოთ.

⁵ ივ. ჯავახიშვილი. ქართველი ერის ისტორია, IV, 1948 წ., გვ. 280-281.